

**SYARAT-SYARAT PENIAGA BAZAR RAMADAN 2023
MAJLIS PERBANDARAN KANGAR**

1.0 SYARAT-SYARAT AM

- 1.1 Pemohon hendaklah warganegara Malaysia.
- 1.2 Penglibatan warga asing termasuk yang berstatus pemastautin tetap dalam aktiviti penjaja dan peniaga kecil adalah tidak dibenarkan.
- 1.3 Peniaga hanya dibenarkan menjual jenis jualan yang dipohon dan diluluskan sahaja. Peniaga tidak dibenarkan menjual barangan selain daripada yang telah dibenarkan oleh pihak Majlis Perbandaran Kangar.
- 1.4 Peniaga wajib mempamerkan tanda harga pada setiap barangan jualan sepanjang masa aktiviti perniagaan berlangsung.
- 1.5 Peniaga hendaklah menyediakan plastik sampah sendiri untuk melupuskan sisa pepejal sepanjang masa aktiviti perniagaan.
- 1.6 Peniaga **MESTILAH** menggunakan **HANYA KHEMAH** bersaiz 10'x10', dan **TIDAK DIBENARKAN** membuat apa-apa penambahan di sisi atau di hadapan tapak / lot.
- 1.7 Sebarang **pelanggaran syarat-syarat**, tindakan menamatkan perniagaan serta-merta akan diambil oleh pihak Majlis **Perbandaran Kangar**.

2.0 KEBERSIHAN TAPAK NIAGA / GERAI

- 2.1 Peniaga wajib menyediakan tong sampah yang sesuai, sempurna dan berkeadaan baik, lengkap dengan plastik sampah dan berpenutup di tapak niaga masing-masing.
- 2.2 Peniaga wajib memastikan kawasan tapak niaga masing-masing sentiasa bersih sepanjang masa berniaga di tapak ini.
- 2.3 Sebarang sisa buangan dan kotoran seperti sisa makanan dan sampah adalah dilarang dibuang ke dalam longkang atau ke kawasan persekitaran.
- 2.4 Sisa-sisa buangan hendaklah dikumpul dan dimasukkan ke dalam beg plastik, diikat dan dimasukkan ke dalam tong sampah untuk pelupusan.

3.0 KESIHATAN & KEBERSIHAN (JUALAN MAKANAN & MINUMAN)

- 3.1 Setiap peniaga / pengendali makanan (termasuk pekerja) **WAJIB** menjalani pemeriksaan kesihatan dan disahkan sihat oleh doktor, mendapat suntikan Anti Typhoid (Ty2), dan menjalani kursus pengendali makanan di Sekolah Latihan Pengendali Makanan yang diiktiraf oleh Kementerian Kesihatan Malaysia.
- 3.2 Peniaga / pengendali makanan wajib menjaga kebersihan diri seperti berkuku pendek, tiada luka semasa mengendali makanan, mencuci tangan selepas ke tandas, tidak merokok semasa mengendali makanan dan tidak batuk atau bersin ke arah makanan.
- 3.3 Peniaga / pengendali makanan wajib memakai pakaian yang bersih, kemas, sopan dan sesuai yang tidak menyumbang kepada pencemaran makanan. Dilarang memakai baju singlet atau baju tanpa lengan, seluar pendek, selipar atau memakai pakaian yang kurang sopan semasa mengendali makanan.
- 3.4 Peniaga / pengendali makanan hendaklah memakai penutup kepala, memakai apron dan memakai kasut bertutup semasa mengendali makanan.
- 3.5 Dilarang memakai perhiasan diri atau aksesori seperti jam, cincin dan gelang semasa mengendali makanan.
- 3.6 Dilarang menyentuh makanan dengan tangan yang tidak berlapis semasa mengambil makanan. Gunakan sarung tangan plastik, penyepit, sudu atau perkakas yang bersih dan sesuai semasa mengambil makanan.
- 3.7 Semua makanan dan minuman yang dipamerkan untuk dijual hendaklah sentiasa bertutup bagi mengelakkan berlakunya pencemaran terhadap makanan dan minuman tersebut.
- 3.8 Pengendali makanan dan pembantu **DIWAJIBKAN** memakai pelitup muka semasa mengendalikan makanan.

4.0 PERALATAN DAN PERKAKAS (JUALAN MAKANAN & MINUMAN)

- 4.1 Pastikan semua peralatan dan perkakas yang digunakan dalam penyediaan dan pengendalian makanan bersih, mudah dicuci, kalis air, sempurna, tidak rosak atau berkarat.
- 4.2 Peralatan dan perkakas hendaklah dicuci di tempat tinggi. Dilarang mencuci peralatan dan perkakas di atas lantai atau sama paras dengan lantai.
- 4.3 Pencucian peralatan dan perkakas hendaklah menggunakan air yang bersih dan mengalir dan bukan daripada air takungan basuhan yang diguna semula.

5.0 PINDAH MILIK TAPAK GERAI KEPADA BUKAN PEMOHON (JUAL TAPAK)

- 5.1 Adalah tidak dibenarkan kepada pemohon menukar tapak gerai kepada orang lain (samada suka sama suka) atau men'JUAL' tapak kepada bukan pemohon tanpa pengetahuan dan kebenaran pihak Majlis.
- 5.2 Tindakan undang-undang akan diambil kepada kedua-dua pihak yang berbuat demikian dan boleh **DIGUGURKAN PENYERTAAN SERTA MERTA**.

6.0 TIADA GANTI RUGI

- 6.1 Adalah dimaklumkan bahawa pihak majlis tidak akan bertanggungjawab atas kemalangan, kecederaan dan kehilangan apa-apa barang, peralatan, perkakas yang ditinggalkan sepanjang bazar dijalankan.